

## **MEMORANDUM O RAZUMIJEVANJU**

**između**

**Nacionalnog centra za javnu akreditaciju**

**i**

**Agencije za razvoj visokog obrazovanja i osiguranje kvaliteta**

Memorandum o razumijevanju sklopljen je između

**Nacionalnog centra za javnu akreditaciju, (u daljem tekstu NCPA),**

**i**

**Agencije za razvoj visokog obrazovanja i osiguranje kvaliteta (u daljnjem tekstu HEA BiH).**

### **Preambula**

NCPA je uspostavljen 2009. godine na inicijativu Udruženja eksperata (Rusija) kao državna agencija za osiguranje kvaliteta u visokom obrazovanju u čije nadležnosti spada programska i institucionalna akreditacija, pružanje podrške u procesu unapređenja kvaliteta, davanje savjeta u pitanjima vezanim za osiguranje kvaliteta i uspostavljanje veza sa svjetskim agencijama za kvalitet s ciljem unapređenja visokog obrazovanja u Rusiji.

Agencija je u svom radu nezavisna od političkih struktura i sektora visokog obrazovanja. Misija NCPA-a u sistemu osiguranja kvaliteta u Rusiji jeste da oblikuje i razvija kulturu kvaliteta u visokom obrazovanju putem utvrđivanja, evaluacije i akreditacije najboljih obrazovnih programa u skladu sa zakonima Ruske Federacije i Standardima i smjernicama za osiguranje kvaliteta na europskom području visokog obrazovanja (ESG-ENQA).

HEA BiH je uspostavljena 2008. godine Okvirnim zakonom o visokom obrazovanju u Bosni i Hercegovini kao nezavisna upravna organizacija. Osnovna misija HEA-e je uspostavljanje sistema osiguranja kvaliteta u visokom obrazovanju Bosne i Hercegovine u skladu s Bolonjskim procesom, što uključuje donošenje standarda i praćenje akreditacije visokoškolskih ustanova i studijskih programa. HEA daje preporuke u procesima licenciranja

i akreditacije i ima važnu ulogu u reviziji kvaliteta. Transparentne i javne procedure za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa čine okosnicu sistema vanjskog osiguranja kvaliteta.

NCPA i HEA BiH imaju srodne misije i institucionalne ciljeve u razvoju osiguranja kvaliteta u visokom obrazovanju, kao i zajednički interes za razvoj i promoviranje dobre prakse u području osiguranja kvaliteta. Od 2010.g. i NCPA i HEA imaju status pridruženog člana ENQA-e.

### **Ciljevi Memoranduma razumijevanja**

NCPA i HEA BiH su se ovim memorandumom usaglasile da će sklopiti partnerski odnos na obostranu korist te da će raditi na izgradnji platforme za saradnju u cilju razmjene informacija i dobre prakse.

### **Područja suradnje**

U tu svrhu, NCPA i HEA BiH će raditi na ispunjavanju sljedećih ciljeva koji su od koristi za obje strane:

*a. Razmjena informacija*

Razmjena transparentnih akata, informacija o radu i ekspertize prema potrebi i kada je to primjereno;

*b. Razvoj osoblja*

Omogućiti usavršavanje i razvoj osoblja obje strana prema potrebi i kada je to primjereno;

*c. Razmjena eksperata*

Koristiti listu eksperata /specijalista obje strana u cilju jačanja međunarodne dimenzije institucionalnih revizija i/ili akreditacija, programskih akreditacija i revizija posebne namjene prema potrebi i kada je to primjereno;

*d. Saradnja u istraživačkom radu*

Saradnja u istraživačkom radu u području osiguranja kvaliteta za pitanja od obostrane koristi prema potrebi i kada je to primjereno;

*e. Zajedničke aktivnosti*

Saradnja u bilo kojim drugim aktivnostima koje su korisne za obje strane, prema potrebi i kada je to primjereno.

## **Prekid saradnje**

Memorandum o razumijevanju će stupiti na snagu danom njegovog potpisivanja. Bilo koja od strana može jednostrano raskinuti Memorandum o razumijevanju uz prethodnu najavu 3 mjeseca unaprijed.

## **Izmjene u Memorandumu**

Odredbe Memoranduma se mogu izmijeniti bilo kad uz saglasnost objiju strana. Izmjene će stupiti na snagu od dana kada su donesene.

## **Provođenje odredbi Memoranduma**

Odgovornost nad provođenjem odredbi Memoranduma preuzimaju strane potpisnice.

## **Resursi**

U pravilu, svaka strana će snositi vlastite troškove provođenja odredbi Memoranduma. Kada je to moguće, agencija domaćin će omogućiti smještaj, a troškove putovanja će snositi gostujuća agencija. Za financiranje posebnih projekata će se sklopiti posebni sporazumi. Za određena područja saradnje, donatorska sredstva se mogu tražiti iz drugih izvora.

## **Pravna odgovornost**

Ovaj Memorandum ne uključuje nikakvu pravnu odgovornost strana potpisnica niti dovodi bilo koju od strana u povlaštenu položaj.

Potpisano u Yoshkar-Ola, 2011. g.

Potpisano u Banja Luci, 4.novembra 2011.

Prof. Vladimir Navodnov  
Direktor  
Nacionalni centar za javnu akreditaciju,  
Rusija

Boris Ćurković  
v.d. direktora  
Agencija za razvoj visokog obrazovanja  
i osiguranje kvaliteta,  
Bosna i Hercegovina

*Prijevod: Agencija za razvoj visokog obrazovanja i osiguranje kvaliteta*